

# Papia 1 Jon da Mandagit

## But piso gen

Jon, Yesu dakon paɲdetni kinda da papia on mandagit.

Papia on dakon mibili bamori kisi. Jon uɲun Yesu yolyol amin paɲpulugaɲban Piɲkop Dat gat ae Monji Yesu Kristo gat but kaloɲsi egipneɲ do yosok. Ae pilin tuk dakon miɲat aminyo da paɲkilikba Piɲkop dima yipmaɲdetni do yosok.

“Pilin tuk dakon amin kabi” uɲun da gen bamori yaɲ yoɲ: Kinda uɲun on miɲtimon yo toɲ uɲun tagi dima, do Yesu uɲun Piɲkop dakon Monji tam, amin dagaɲek miɲat aminyo nin da ekwamaɲ uɲun da aripmon miɲtimon yo morap gat aripmi dima gadanom. Ae kinda yoɲ uɲun Yesu uɲun asi Piɲkop dakon Monjisi tam aminsi aripmi dima dagaɲban.

Yaɲ yoɲ, amin kinda Piɲkop gat tagisi egip do nandisak kaɲ, miɲtim dakon yo morap do nandak nandak dima asak. Aɲpak kilegi gat ae amin do but dasi galak taɲ yomyom aɲpak uɲun kisi on miɲtim dakon aɲpak, do uɲun do but dima yopni yaɲ yawit.

Jon da Yesu yolyol amin gen uɲun do mirak dimasi yopni do yosok. Yaɲ yosok, Yesu Piɲkop dakon Monjisi da aminsi dagagit, do miɲat aminyo Yesu nandaɲ gadaɲ imiɲek Piɲkop but dasi galak taɲ imiɲek ae amin do but dasi galak taɲ yomiɲ kimotni do yosok.

---

**Nin teɲteɲikon egek pilin tuk dakon amin dakon top  
geni dima nandaɲ yomneɲ  
(Kilapmi 1.1–3.10)**

## Gen egip egipmi toɲ uɲun nomansi altagit

**1** <sup>1</sup> Nin Gen egip egipmi toɲ uɲun do yaɲ teɲteɲok amaɲ. Uɲun Gen abikisigwan wasok wasogikon kili egipgut da egisak. Nin mirak yopmaɲapno gen yagit, ae dabil da kagimaɲ, ae kisit da kwenikon igayigimaɲ. <sup>2</sup> Uɲun egip egip nomansi altaɲban kagimaɲ. Nin uɲun egip egip dagok dagogi miɲi do yaɲ teɲteɲok aɲ damamaɲ. Uɲun Dat gat egipgut da nomansi altaɲban kagimaɲ. <sup>3</sup> Ji nin gat but kaloɲ aɲek

---

<sup>a</sup> 1.1 Jn 1.1    <sup>b</sup> 1.2 Jn 1.14

egipneŋ do aŋek yo kaŋ nandaŋyo agimaŋ uŋun do dayamaŋ. Nin Dat gat ae Monji Yesu Kristo gat but kalonŋ aŋek ekwamaŋ. <sup>4</sup>eKisik kisiknin da madepsi tugaŋ tosak, yaŋ do gen on mandaŋ damamaŋ.

### Tenŋenikon gin egipneŋ

<sup>5</sup>dYesu Kristo da gen yaŋban nandagimaŋ uŋun naŋ gin dayamaŋ. Gen uŋun yaŋ; Piŋkop uŋun tenŋeŋi. Uŋudon pilin tukjok kinda dimasi tosoke. <sup>6</sup>eNin uŋun gat but kalonŋ ekwamaŋ yaŋ yaŋek kosit pilin tukgwan agipneŋ kaŋ, nin top yaŋek aŋpak bamisi dima amaŋ. <sup>7</sup>Mani iyi tenŋenikon egisak uŋun da tilagon tenŋenikon agipneŋ kaŋ, nin Piŋkop dakon amin kabini gat but kalonŋ amaŋ. Aŋek Monji Yesu dakon yawi da diwarinin kisisi sugaŋban jimjimi minisi amaŋ.

<sup>8</sup>fNin diwarinin mini yaŋ yomaŋ kaŋ, nin ninbaŋ paŋkewalgamaŋ. Aŋek gen bami ninon dima tosoke. <sup>9</sup>Mani diwarinin yaŋkwok aneŋ kaŋ, Piŋkop da yo ak do yagit uŋun akdisak, uŋun aŋpak kilegikon da diwarinin yopmaŋ nimjak, aŋek aŋpak yokwi morap ninon toŋ uŋun wiririkban gwaljigi mini aŋ mudoneŋ.

<sup>10</sup>gPiŋkop da nin do yokwi pakpak amin yaŋ yaŋakwan nin diwarinin mini yaŋ yomaŋ kaŋ, uŋun gen yomaŋ uŋun da Piŋkop uŋun top amin yaŋ iyamaŋ. Aŋek Piŋkop dakon gen butninon dima tosoke.

### Kristo uŋun paŋgulugoknin

**2** <sup>1</sup>sMinat monjiyono, yokwi dima ani do aŋek papia on mandaŋ damisat. Mani amin kinda yokwi asak kaŋ, amin kilegisi Yesu Kristo da nin paŋgolgol aŋek Dat gen iyisak. <sup>2</sup>hYesu iyi diwarinin wiririt dakon paret dagagit. Ae nin do gin dima, amin morap miktimi miktimi ekwaŋ uŋun dakon diwarini kisi do agit.

### Amin kinda Piŋkop pakyaŋsi nandaŋ imisak uŋun da aŋpakni yoldak

<sup>3</sup>iNin Piŋkop dakon gen teban guramikgamaŋ kaŋ yaŋsi nandamaŋ, nin Piŋkop pakyaŋsi nandaŋ imamaŋ. <sup>4</sup>jAmin kinda “Nak Piŋkop pakyaŋsi nandaŋ imisat” yaŋ yosok, mani gen tebani dima guramikdak kaŋ, uŋun amin top amin kinda. Gen bami butnikon dima tosoke. <sup>5</sup>kMani amin kinda gen tebani guramikdak kaŋ, uŋun amin da Piŋkop pakyaŋsi but dasi galak taŋ imisak. Yaŋ aŋek egip egipni Piŋkopmonsidaŋakwan egisak. <sup>6</sup>lNin egip egipnin Piŋkopmonsidaŋakwan ekwamaŋ yaŋ yoneŋ kaŋ, Kristo da aŋpak agit uŋun aŋ kimotneŋsi.

<sup>7</sup>mNot kabi, on gen teban mandaŋ damisat uŋun kalugi dima, uŋun kalipmi. Ji uŋun gen teban nandaŋ gadat si wasaŋek awit bisapmon kili abidawit. Gen kili

c 1.4 Jn 16.24 d 1.5 1Ti 6.16; Jem 1.17 e 1.6 1Jn 2.4 f 1.8-9 Kap 32.5; YT 28.13  
g 2.1 Ibr 7.25-26 h 2.2 Jn 1.29; Kol 1.20; 1Jn 4.10 i 2.5-6 Jn 14.21,23 j 2.7 Jn 13.34;  
2Jn 5-6

nandawit ujun gen teban kalipmi on ujun gin. <sup>8</sup>kMani on gen teban mandan damisat ujun da kalugi yan kinda asak. Pilin tuk ujun pasil do anjakwan tenjenji bamisi ujun kili yamanjak, do ujun gen teban dakon bami Kristokon tanban koman, ae jikon yo kisi tanban koman.

<sup>9</sup>lAmin kinda nak tenjenjikon egisat yan yosak, mani panmuwukbi notni kinda do nandaban yokwi tok an imisak kan, ujun amin pilin tukgwan sigin egisak. <sup>10</sup>mAmin kinda amin do but dasi galak tan yomisak kan, ujun tenjenjikon egisak. Tenjenjikon agakwan yo kinda da aripmi dima kesalban anjatjak. <sup>11</sup>nMani amin kinda panmuwukbi notni kinda do nandaban yokwi tok an imisak, ujun amin pilin tukgwan egisak. Pilin tuk da dabili sopmak, do unjungwan agek dukwan agisak ujun buri dima pisosok.

<sup>12</sup>Minjat monjijono, Kristo dakon man do anek Pinjop da yokwisi yopman damgut. Ujun do anek on papia mandan damisat.

<sup>13</sup>Dat kabi, amin ujun wasok wasogikon egipgut da egisak ujun nandan iman. Ujun do anek on papia mandan damisat. Wili gimoji, ji Yokwi Ami kili abin yipgwit. Ujun do anek on papia mandan damisat.

<sup>14</sup>Minjat monjiyo, ji Dat pakyanji nandan iman. Ujun do anek on papia mandan damisat. Dat kabi, amin ujun wasok wasogikon egipgut da egisak ujun nandan iman. Ujun do anek on papia mandan damisat. Wili gimoji, ji amin tebaisi, ae Pinjop dakon gen ji da buron tebaisi tosok, ae Yokwi Ami kili abin yipgwit. Ujun do anek on papia mandan damisat.

### **On miktim dakon yo morap do but dasi dima galak tonej**

<sup>15</sup>oOn miktim gat ae yo morap miktimon tonj ujun do but dasi dima galak toni. Amin kinda on miktim do but dasi galak tan imisak amin Dat but dasi dima galak tan imisak. <sup>16</sup>pOn miktim dakon anpak yokwi morap ujun Daron da dima aban. Anpak ujun yan: yokwi ak do but kindap agak, ae pindak galaktok, ae yo kabini morapmi tan yoman ujun do pibit tidok anpak. Ujun kisi on miktim dakon anpak. <sup>17</sup>qOn miktim gat ae galaktok yokwini gat pasuldamal, mani amin kinda Pinjop dakon galaktok yoljak kan, egip egip dagok dagogi mini egipjak.

### **Kristo dakon uwalni kili noman tak**

<sup>18</sup>rMinjat monjijono, abisok mibi bisapmon ekwaman. Kristo dakon uwal ujun apdisak dakon geni kili nandawit. Abisok uwalni morapmi kili noman tan, do nin mibi bisapmon ekwaman yan nandan. <sup>19</sup>sUjun

---

k 2.8 Jn 1.9; Ro 13.12    l 2.9 1Jn 4.20    m 2.10 Ro 14.13    n 2.11 Jn 12.35    o 2.15 Ro 8.7  
p 2.16 Ro 13.14    q 2.17 Mt 7.21    r 2.18 Mt 24.5,24; 2Jn 7    s 2.19 Ya 20.30

amin kabi kalip nin gat egipgumanj da nipmanj kiwit. Mani unun nin da kabikon nani dima. Nin da kabikon nani tam nin gat sigin egipnom. Mani kilini kiwit unun da nolisak, unun nin da kabikon nanisi dima.

<sup>20</sup>Mani Telagi Wup kili abidawit, do ji kisisi gen bami nandanj. <sup>21</sup>Gen bami dima nandanj yañon da on gen dima mandanj damisat. Ji gen bami nandanj, ae gen bami da top gen dima pañalon asak yañ nandanj do añek papia on mandanj damisat. <sup>22</sup>“Top amin unun namin? Yesu unun Kristo, Piñkop da miñat amin kabiyoni yokwikon baj timitjak do manjikbi amin dima yañ yosok amin unun top amin. Unun amin unun Kristo dakon uwalni. Unun Dat gat ae Monji gat kisi do wasip yosok. <sup>23</sup>“Amin kinda Monji do wasip yosok unun Dat do kisi yosok. Mani amin kinda Monji nandanj gadanj imisat yañ yosok unun Datyo kisi nandanj gadanj imisak.

### Telagi Wup da gen bami niyiñ dekdak

<sup>24</sup>Ji nandanj gadat wasañek awit bisapmon gen nandawit unun tebaisi abidoni. Yañ ani kanj, egip egipji Monji gat Dat garon tañakwan egipdanj. <sup>25</sup>Kristo da egip egip dagok dagogi mini nim do yañ teban tok agit.

<sup>26</sup>Top gen dayiñba kosit kilegi yipmanj detdanj amin dakon mibilni nandani do on papia mandanj damisat. <sup>27</sup>“Mani Kristo da Telagi Wup kili daban abidawit. Unun ji gat sigin egisak, do namin amin da dayiñdet asak yañ do wisik wisik agagi mini. Telagi Wup da iyi yo morap do dayiñ dekdak. Ae gen morap dayisak unun top dima, bamisi baj dayisak, do Telagi Wup da dayiñ dekdak unun da aripmon Kristokon gadanej egipni.

### Nin abisok Piñkop dakon gwakni kabi ekwamanj

<sup>28</sup>Miñat monji kabino, ji Kristokon gadani. Yañ añaqwa abiñ noman tosak bisapmon nin tebaisi agek iñamnikon mayaktok dima panerj. <sup>29</sup>“Kristo unun amin kilegisi yañsi nandanjanj, do ununyo kisi nandanjanj, amin morap añaq kilegi añ unun Piñkop dakon gwakni kabi ekwanj.

**3** <sup>1</sup>“Mao, Dat da nin do but dasi galak tañ nimisak unun madepsi daman. Piñkop dakon gwakni kabi yañsi niyisak. Asi, nin Piñkop dakon gwakni kabi ekwamanj. Miktim amin da Piñkop dima nandanj imgwit, unun do añek ninyo kisi dima nandanj nimanj. <sup>2</sup>“Not kabi, nin abisok Piñkop dakon gwakni kabi ekwamanj, ae don egip egip nianj egipdamanj unun dima nandano pisosok. Mani yañ nandanjanj, Kristo da abiñ noman tosak bisapmon Kristo bamisi kokdamanj, do nin iyi yombemsi da egipdamanj. <sup>3</sup>Amin morap unun do nandanj teban tañek ekwanj amin unun Piñkop da dabilon gwaljigi minisi egip do pini añ. Yañ añek Kristo gwaljigi minisi egisak unun yombem gin ekwanj. <sup>4</sup>Yokwi añ

<sup>t</sup> 2.20 1Ko 2.15; 2Ko 1.21; 2Jn 2    <sup>u</sup> 2.22 1Jn 4.3; 2Jn 7    <sup>v</sup> 2.23 Jn 5.23; 1Jn 4.15; 5.1

<sup>w</sup> 2.27 Jn 16.13    <sup>x</sup> 2.29 1Jn 3.10    <sup>y</sup> 3.1 Jn 1.12-13; 16.3    <sup>z</sup> 3.2 2Ko 3.18

amin unun Pinjkop dakon gen teban yapmanjaj. Yokwi agak unun gen teban yapyap anpak. <sup>5</sup> <sup>a</sup>Ji nandañ, Kristo unun diwari wiririt do abiñ noman tagit, ae iyikon diwarini minisi. <sup>6</sup> Amin kinda Kristokon egisak kañ yokwi dima asak. Amin kinda yokwi sigin asak kañ, unun Kristo bamisi dima nandañ imisak.

<sup>7</sup> Miñat monji kabino, amin da kosit kilegi yipmanj detni do top dayikdañ do kañ kimotni. Amin kinda anpak kilegi asak unun amin kilegi, Kristo yombem egisak. <sup>8</sup> <sup>b</sup> Amin kinda yokwi asak unun Sunduk dakon amin, nido wasok wasogikon da Sunduk unun yokwi sanbek sanbek agit da asak. Pinjkop dakon Monji unun Sunduk dakon pi tuwil pantasik ak do abiñ noman tagit. <sup>9</sup> <sup>c</sup> Amin kinda Pinjkopmon da altosok unun Pinjkop dakon egip egipni unun aminon tosok, do yokwi dima añ añ asak. Pinjkopmon da altañbi, do yokwi aripmi dima añ añ asak. <sup>10</sup> Pinjkop dakon gwakni kabi ae Sunduk dakon gwakni kabi yañon da kokwinigek nandamañ. Amin kinda anpak kilegi dima asak, unun Pinjkop dakon monji dima. Ae amin kinda pañmuwukbi notni do but dasi dima galak tañ yomisak, unun Pinjkop dakon monji dima.

### **Yesu da amin do but dasi galak tañ yomyom dakon anpak noligit**

*(Kilapmi 3.11–5.21)*

#### **Nin kalonj kalonj amin do but dasi galak tañ yomneñ**

<sup>11</sup> <sup>d</sup> Nin Kristo wasañek nandañ gadañ imgumañ bisapmon gen kili nandagimañ unun yañ: Nin kalonj kalonj pañmuwukbi notnin do but dasi galak tañ yomiñ yomiñ aneñ. <sup>12</sup> <sup>e</sup> Ken da agit unjudeñ dima aneñ. Unun Yokwi Ami dakon amin egek padige anakban kimakgit. Mibili nido anakban kimakgit? Iyi dakon anpak unun yokwi, ae padige dakon anpak unun kilegi, mibili yañ do agit. <sup>13</sup> <sup>f</sup> Not kabi, miñtim amin da nandaba yokwi tok anjamni kañ, dima wuripdatni.

<sup>14</sup> <sup>g</sup> Nin pañmuwukbi notnin diwari do but dasi galak tañ yomamañ. Yañ amañ do añek yañ nandamañ, nin kimot dakon kosit kili yipgumañ da egip egip dakon kosit nañ yolgamañ. Amin kinda amin do but dasi dima galak tañ yomisak unun amin kimot da kosiron sigin agisak. <sup>15</sup> <sup>h</sup> Amin kinda notni do nandaba yokwi tok añ imisak kañ, unun amin unun amin dapdap amin kinda. Disi nandañ, amin dapdap amin unun egip egip dagok dagogi mini dima timikgañ.

---

<sup>a</sup> 3.5 Jn 1.29; 1Pi 2.22-24; 1Jn 2.2    <sup>b</sup> 3.8 Jn 8.44    <sup>c</sup> 3.9 1Jn 5.18    <sup>d</sup> 3.11 Jn 13.34  
<sup>e</sup> 3.12 WW 4.8    <sup>f</sup> 3.13 Jn 5.18-19    <sup>g</sup> 3.14 Jn 5.24    <sup>h</sup> 3.15 PA 21.8

<sup>16</sup> <sup>i</sup>Nin amin do but dasi galak taŋ yomyom dakon aŋpak bamisi uŋun nandamaŋ, nido Yesu uŋun nin paŋpulugok do egip egipni paregek kimakgit. Ae ninyo kisi paŋmuwukbi notnin paŋpulugok do egip egipnin paregek kimotneŋsi. <sup>17</sup> <sup>j</sup>Mani amin kinda miŋtim dakon yoni taŋ imiŋakwa notni kinda wadak wadak aŋek egakwan kaŋek bupmi nandaŋ imiŋek dima aŋpulugosak kaŋ, Piŋkop da amin do but dasi galak taŋ yomisak uŋun dakon aŋpak uŋun aminon dima tosok. <sup>18</sup> <sup>k</sup>Miŋat monjiyono, amin do but dasi galak taŋ yomneŋ uŋun genon daŋin dima yoneŋ, aŋpagon da bamisi aneŋ.

### Paŋmuwukbi Piŋkop da dabilon tebaisi atni

<sup>19-20</sup> Nin amin do but dasi galak taŋ yomamaŋ kaŋ yaŋsi nandamaŋ, gen bami yolgamaŋ. Ae butnin da nin paŋkiligek gen yaŋ nimisak kaŋ, Piŋkop da dabilon butnin yawori tosok, nido Piŋkop da yo morap kisi nandaŋ mudosok, ae nandak nandakni da butninon nandak nandak toŋ morap uŋun yapmaŋ mudosok. <sup>21</sup> <sup>l</sup>Not kabi, butningwan da nin gwaljiŋi mini yaŋsi nandamaŋ kaŋ, Piŋkop da dabilon pasol pasoli mini atneŋ. <sup>22</sup> Nin gen tebani yolgamaŋ ae aŋpak aneŋ do galak tosok uŋun amaŋ, do bisiron da yo nido iyamaŋ uŋun nimisak. <sup>23</sup> <sup>m</sup>Gen tebani uŋun yaŋ: Monji Yesu Kristo nandaŋ gadaŋ imneŋsi, ae iyi niyigit uŋudeŋ gin amin do but dasi galak taŋ yomneŋ. <sup>24</sup> <sup>n</sup>Amin kinda gen tebani guramikdak uŋun amin Piŋkopmon egisak, ae Piŋkop uŋun aminon egisak. Piŋkop da Telagi Wupni nimgut, do nin yaŋsi nandamaŋ, Piŋkop ninon egisak.

### Ji wup mibili mibili kokwin ani

**4** <sup>1</sup> <sup>o</sup>Not kabi, on miŋtimon kombi amin toptopmi morapmi ekwaŋ, do amin da abiŋek Piŋkop dakon Wup da gen on nimik yaŋ dayiŋba kaŋ, tepmi dima nandaŋ gadani. Asi, Piŋkop dakon Wup da gen yomik bo dima, yaŋ do paŋkiligek pindatni. <sup>2</sup> <sup>p</sup>Piŋkop dakon Wup da pi asak bo dima yaŋon da kaŋ nandaŋyo ani: Amin kinda da Yesu Kristo uŋun aminsi dagagit yaŋ yosak kaŋ, uŋun Piŋkop da yabekdak yaŋ nandaŋ imni. <sup>3</sup> <sup>q</sup>Mani amin kinda Yesu do yaŋ dima yosak kaŋ, uŋun Piŋkop da dima yabekdak, uŋun Kristo dakon uwalni dakon wup da yabekdak. Uŋun don apdisak yaŋ kili nandawit. Uŋun kili abiŋ da miŋtimon egisak.

<sup>4</sup> <sup>r</sup>Miŋat monjiyono, ji Piŋkop dakon amin kabi ekwaŋ. Wup jikon egisak uŋun da wup yokwi miŋtim aminon pi asak uŋun yapmaŋdak, do ji kombi amin toptopmi uŋun kili pabiŋ yopgwit. <sup>5</sup> <sup>s</sup>Uŋun amin kabi uŋun miŋtimon nani, do gen yoŋ uŋun miŋtimon nani baŋ yaŋakwa miŋtim

<sup>i</sup> 3.16 Jn 13.1; Gal 1.4    <sup>j</sup> 3.17 GT 15.7    <sup>k</sup> 3.18 Jem 2.15-16    <sup>l</sup> 3.21 Ibr 4.16

<sup>m</sup> 3.23 Jn 6.29; 13.34    <sup>n</sup> 3.24 1Jn 4.13    <sup>o</sup> 4.1 Mt 7.15; 1Tes 5.21; 1Jn 2.18; 2Jn 7

<sup>p</sup> 4.2 1Ko 12.3    <sup>q</sup> 4.3 1Jn 2.18    <sup>r</sup> 4.4 Mt 12.29; 1Jn 5.4-5    <sup>s</sup> 4.5-6 Jn 8.47; 15.19

amin da geni nandaŋ yomaŋ. <sup>6</sup>Nin Piŋkopmon nani. Piŋkop nandaŋ imaŋ amin uŋun da genin nandaŋ nimaŋ. Mani amin Piŋkopmon nani dima uŋun da genin dima nandaŋ nimaŋ. Yaŋon da Wup bami ae wup toptopmi kokwin amaŋ.

**Piŋkop do but dasi galak taŋ imneŋ kaŋ, amin do yaŋ gin aneŋ**

<sup>7</sup>Not kabi, amin do but dasi galak taŋ yomyom aŋpak uŋun Piŋkopmon da abisak, do amin do but dasi galak taŋ yomneŋ. Amin morap amin do but dasi galak taŋ yomaŋ uŋun Piŋkopmon da altaŋbi, ae Piŋkop nandaŋ imaŋ. <sup>8</sup>Piŋkop uŋun but dasi galak taŋ yomyom dakon ami, do amin kinda amin do but dasi dima galak taŋ yomisak uŋun Piŋkop dima nandaŋ imisak. <sup>9</sup>Piŋkop da iyi dakon Monji kalonŋi naŋ nin da egip egip uŋun obakon da abidoneŋ do yabekban miŋtimon pigit. Piŋkop yaŋ aŋek nin do but dasi galak taŋ nimisak uŋun noligit. <sup>10</sup>“Amin do but dasi galak taŋ yomyom aŋpak uŋun yaŋ: Nin da Piŋkop do galak taŋ imgumaŋ uŋun da yo bami dima agit, mani Piŋkop da nin do but dasi galak taŋ nimiŋek Monji yabekban nin dakon diwari wiririt do kimakgit. <sup>11</sup>Not kabi, nin do but dasi galak taŋ nimiŋek yaŋsi agit, do nin kalonŋ amin do but dasi galak taŋ yomiŋ kimotneŋsi. <sup>12</sup>“Amin kinda da Piŋkop dimasi kagit, mani nin amin do but dasi galak taŋ yomneŋ kaŋ, Piŋkop ninon egisak, ae but dasi galak taŋ yomyom aŋpakni uŋun ninon bamisi tosoŋ.

<sup>13</sup>“Piŋkop da Wupni nimgut, do nin Piŋkopmon ekwamaŋ ae Piŋkop ninon egisak yaŋsi nandamaŋ. <sup>14</sup>Ae Dat da yo agit uŋun kili kagimaŋ, uŋun Monji yabekban miŋtim amin kisisi yokwikon baŋ timit do pigit. Nin uŋun dakon yaŋ teŋteŋok amaŋ. <sup>15</sup>Amin kinda da Yesu do asi Piŋkop dakon Monji yaŋ yosok amin Piŋkop uŋun aminon egisak, ae uŋun amin Piŋkopmon egisak. <sup>16</sup>Nin nandamaŋ, Piŋkop da nin do but dasi galak taŋ nimisak, ae nin uŋun dogin nandaŋ gadaŋ.

Piŋkop uŋun but dasi galak taŋ yomyom aŋpak dakon ami. Amin kinda but dasi galak taŋ yomyom aŋpak aŋek egisak uŋun amin Piŋkop gat ekwamal, ae Piŋkop uŋun amin gat egisak. <sup>17</sup>Nin yaŋsi egipneŋ kaŋ, but dasi galak taŋ yomyom dakon aŋpak ninon bamisi tosoŋ. Nin on miŋtimon Kristo yombem da ekwamaŋ, do Piŋkop da amin kokwin asak bisapmon pasol pasol dima aneŋ. <sup>18</sup>Amin kinda amin do pakyaŋsi but dasi galak taŋ yomisak uŋun pasol pasol dima nandisak. Butdasi galak taŋ yomyom dakon aŋpak egip egipninon bamisi tosoŋ kaŋ, pasol pasol yolban kiŋ mudosak. Kobogi yokwi timitdamaŋ yaŋ do aŋek pasol pasol nandamaŋ. Amin kinda pasol pasol nandisak uŋun amin but dasi galak taŋ yomyom dakon aŋpak egip egipnikon bamisi dima tosoŋ.

† 4.9 Jn 3.16    † 4.10 Ro 5.8-10; 1Jn 2.2    † 4.12 Jn 1.18    † 4.13 2Ko 1.22; 1Jn 3.24

<sup>19</sup>Piŋkop da mibiltok nin do but dasi galak taŋ nimgut, do nin amin do but dasi galak taŋ yomamaŋ. <sup>20</sup>Amin kinda “Nak Piŋkop but dasi galak taŋ imisat” yaŋ yosak, mani paŋmuwukbi notni kinda do nandaban yokwi tok aŋimisak kaŋ, uŋun top amin kinda. Amin kinda notni noman pindakdak uŋun but dasi dima galak taŋ yomisak, uŋun amin Piŋkop dima kokogi uŋun but dasi aripmi dima galak taŋ imisak. <sup>21</sup><sup>x</sup>Kristo da gen teban kinda nimgut uŋun yaŋ: Amin kinda Piŋkop do but dasi galak taŋ imjak kaŋ, paŋmuwukbi notni do yaŋ ginsi asak.

### Miktım dakon tapmım abıŋ yıpmaŋgamaŋ

**5** <sup>1</sup><sup>y</sup>Amin morap Yesu uŋun Kristo, Piŋkop da miŋat amin kabini yokwikon baŋ timitjak do manjikbi amin yaŋ nandaŋ gadaŋ uŋun amin Piŋkopmon da altaŋbi. Amin morap dat kinda do but dasi galak taŋ imaŋ uŋun miŋat monjiyoni kisi do yaŋ gin nandaŋ. <sup>2</sup>Nin Piŋkop but dasi galak taŋ imamaŋ ae gen tebani guramikgamaŋ kaŋ nin yaŋsi nandaner, nin Piŋkop dakon miŋat monjiyoni but dasi galak taŋ yomamaŋ. <sup>3</sup><sup>z</sup>Piŋkop but dasi galak taŋ imamaŋ kaŋ, nin gen tebani guramitner. Ae gen tebani uŋun guramıt do jigi dima pamaŋ, <sup>4</sup>nido amin morap Piŋkopmon da altaŋbi uŋun da miktım dakon tapmım abıŋ yıpmaŋgaŋ. Nin nandaŋ gadatnin do aŋek emaron teban taŋek miktım dakon tapmım abıŋ yıpmaŋgamaŋ. <sup>5</sup>Namin dasi on miktım dakon tapmım abıŋ yıpmaŋdak? Amin Yesu do Piŋkop dakon Monji yaŋsi nandaŋ gadaŋ uŋun da.

### Piŋkop Monji dakon gen

<sup>6</sup><sup>a</sup>Yesu Kristo uŋun abıŋek telagi pakbi sogıt, ae yawini tilak kindapmon tagalgıt. Pakbi gin dima sogıt, yawini yo kisi tagalgıt. Telagi Wup, gen bami dakon amisi, uŋun da Yesu Kristo dakon mibili yaŋ teŋteŋok asak. <sup>7-8</sup><sup>b</sup>Telagi Wup gat ae pakbi gat ae yawi gat uŋun kapbi da Yesu Kristo do yaŋ teŋteŋaŋba gen kalonji asak.

<sup>9</sup><sup>c</sup>Amin da gen yoŋ uŋun nandaŋ gadamaŋ, mani Piŋkop da Monji do gen yagit uŋun da amin dakon gen yapmaŋdak. <sup>10</sup><sup>d</sup>Amin kinda Piŋkop dakon Monji do nandaŋ gadasak uŋun Piŋkop da gen yagit uŋun abidaŋek burikon yipmaŋdak. Mani amin kinda Piŋkop da Monji do gen yagit uŋun nandaban bami dima asak kaŋ, uŋun amin Piŋkop do top amin kinda yaŋ yosok.

<sup>11</sup>Piŋkop da Monji do yaŋ yagit: Uŋun da egıp egıp dagok dagogi mini nimdosi yagit. Uŋun egıp egıp dagok dagogi mini Monjikon tosok. <sup>12</sup><sup>e</sup>Amin kinda egıp egıpnikon Piŋkop dakon Monji gat kalonji ekwamal

<sup>x</sup> 4.21 Mk 12.29-31    <sup>y</sup> 5.1 1Jn 4.15    <sup>z</sup> 5.3 Jn 14.15,23-24    <sup>a</sup> 5.6 Jn 1.29-34

<sup>b</sup> 5.7-8 Jn 15.26    <sup>c</sup> 5.9 Jn 5.32-37    <sup>d</sup> 5.10 Jn 5.36-40    <sup>e</sup> 5.12 Jn 3.36



uŋun amin egip egip dagok dagogi mini kili abidagit. Aŋakwan amin kinda Monji gat kalorŋi dima ekwamal uŋun amin egip egip dagok dagogi mini dima abidosok.

**Egip egip dagok dagogi mini kili abidagimaŋ yaŋsi nandaney**

<sup>13f</sup>Piŋkop Monji dakon man do nandaŋ gadaŋ imaŋ amin, ji da egip egip dagok dagogi mini kili abidawit yaŋ nandani do aŋek gen on mandaŋ damisat. <sup>14g</sup>Do but bamori mini iŋamikon agek yaŋsi nandaney, nin Piŋkop dakon galaktok yolek bisit iyineŋ kaŋ, bisitnin nandaŋ nimdisak. <sup>15</sup>Bisitnin kisi nandaŋ nimisak yaŋ nandamaŋ kaŋ, yo nido bisit iyamaŋ uŋun abidokdamaŋ yaŋsi nandaney.

<sup>16h</sup>Amin kinda da paŋmuwukbi notni kinda kaŋjakwan wupni aripmi dima kimotjak da aripmon yokwi kinda asak kaŋ, bisit aŋ iban Piŋkop da egip egip imjak. Nak wupji dima kimotni da aripmon yokwi aŋ uŋun do yosot. Yokwi kinda tosok uŋun aŋek wupji wagil kimotdaŋ. Nak uŋun do bisit ani do dima yosot. <sup>17</sup>Aŋpak morap kilegi dima amaŋ uŋun kisi yokwi. Mani yokwi diwari uŋun da kimot dima aŋalon aŋ.

<sup>18i</sup>Nin nandamaŋ, Piŋkopmon da altaŋbi miŋat amin morap uŋun yokwi dima aŋ aŋ aŋ. Piŋkop dakon Monji da paŋkutnosok, do Yokwi Ami da aripmi dima igayisak. <sup>19</sup>Nin nandamaŋ, nin Piŋkop dakon miŋat monjiyoni ekwamaŋ, mani amin diwari morap Yokwi Ami da kilani asak. <sup>20</sup>Nin nandamaŋ, Piŋkop dakon Monji da abiŋ Piŋkop bamisi nandaŋ imneŋ do butnin paban pisagimaŋ. Nin Piŋkop bamisi gat ae Monji Yesu Kristo gat gadat gadat agimaŋ. Yesu Kristo uŋun Piŋkop bamisi, ae egip egip dagok dagogi mini dakon mibilisi.

<sup>21</sup>Miŋat monjiyono, ji kokup kidat<sup>j</sup> da kagikon egipni.

---

f 5.13 Jn 20.31 g 5.14 Jn 14.13-14; 1Jn 3.21-22 h 5.16 Mt 12.31 i 5.18 1Jn 3.9  
j 5.21 Kokup kidat uŋun Piŋkop yipmaŋek yo ninaŋ egip egipgokon yo madep yaŋ nandisal uŋun da kokup kidatgo asak.